

Presion riba Joran na Hulanda ta grandi

ORANJESTAD(AAN): E presion riba Joran van der Sloot na Hulanda pa e entrega su mes ta grandi.

Na Hulanda nan kier pa e entrega su mes, y tur hende ta kere cu e ta envolvi den e caso y ta culpabel pa morto y desaparicion di e cadaver di Natalee Holloway.

Ningun hende no ta kere cu el a haci e declaracionnan aki den forma di wega y ta kere cu el a papia berdad.

Con ta posibel cu un persona ta cologa su mes sabiendo cu e ta hinca su mes den problema y cu e ta ser mira como sospechoso den e caso di Natalee Holloway.

E siman aki mes, Ministerio Publico na Aruba pa medio di un 'rechtshulpverzoek' a

laga KLPD na Hulanda tene huiszoeking den cas di Joran na Arnhem y tambe na cas di e wela na Drachten unda el a bay sconde.

Manera DIARIO a trece dilanti caba Diamars, un grupo di persona na Hulanda cu ta malcontento cu e comportacion di Joran a bay na su cas na Arnhem y tambe na cas di su wela na Drachten pa buska esaki.

Esaki no cu muchu bon intencion y na Drachten cosnan a sali un poco for di man unda te hasta mester a pidi asistencia di polis.

Na e cas di e wela a pone vigilancia di un compania priva di seguridad. Tin cu a menaza Joran cu morto.

Ministerio Publico na

Aruba for di fin di siman a conseha mayornan di Joran pa nan bay busca un otro caminda di keda, y pa nan no keda na na cas na Montaña na Noord.

E conseho aki a conta tambe pa Joran pasobra ministerio publico a kere sigur cu despues di e filmacion unda Joran ta haci su declaracion cu hende por reacciona emocional.

Abogado di Joran na Hulanda Mr. Bert de Rooij a bisa cu su cliente ta dispuesto na duna un declaracion nobo na autoridadnan na Hulanda.

Na Hulanda Joran ya ta crucifica y ni autoridadnan no ta kere mas den dje pasobra sigur ta cu e lo bay papia su mes liber di tur

culpabilidad. Joran ta un mentiroso patologico, pero cu awor a sera e reda rondo di su mes y no tin scapatoria pe.

Ministerio Publico hunto cu resto di mundo tambe ta kere cu e declaracion di Joran cu el a duna na Patrick van der Eem te berddt.

E forma con e ta duna cierto detayenan ta cuadra cu e ultimo pisa cual polis tabata tin mester.

Sigur debi cu segun analisis nan polis den e interrogacion tin un episodio di 40 pa 50 minuut perdi y esaki ta cuadra cu e tempo cu el a usa pa bay yama un persona y subi laman pa benta curpa di Natalee na lama.

Sea el a haci esaki cu Daury Rodriguez of e mester tabata tin un of mas hende cu a yude.

Patrick van der Eem hayando status como heroe na Hulanda

ORANJESTAD(AAN): E persona cu a logra yuda Peter R. de Vries graba Joran van der Sloot scondi esta Patrick van der Eem, Dialuna a worde felicita tur caminda riba caya na Almelo, unda e ta biba.

Esaki despues cu 7 miyon hende a wak e programa di de Vries den cual a worde muestra con Patrick a logra pone Joran conta loke a sosode riba e anochi di desaparicion di Natalee Holloway.

Na e compania di e comerciante, cu ta bende slangnan hidraulico, e telefon tabata zona sin fin.

E oficina a ricibi varios bouquet di flor tambe. Patrick a worde yama tambe pa Joran mes. "E tabata bao di lagrima".

"Joran tabata kibra, nero mi

no tin ningun compasion cune", segun van der Eem.

Den un entrevista van der Eem a bisa cu Joran a cera amistad cune, pasobra el kere cu van der Eem tabata un traficante grandi di droga, manera van der Eem mes a laga Joran pensa. Segun Patrick, Joran no solamente a admiti cu Natalee a muri den su brazanan, sino tambe cu e tabata desea di drenta mundo di trafico di droga.

"E kier a participa den plantacionnan y gana hopi placa".

"Mi tabata haya asco di dje y tin biaha mi tabata tin gana di haci algo cune", segun Patrick.

Patrick a bisa tambe cu el a gamble na dado momento mas di 20 mil Euro, pa impresionar Joran.